

蘄州志卷十三

知蘄州事嶺西封蔚祜纂修

篤學

環堵之室半畝之宮手一卷書老而不輟非素所嗜
好然與雖復著述不盡傳而底蘊不獲効於當世其
志行修潔不可廢也故儒林文苑而外篤於學者尙
焉志篤學

明

陳詠字叔雅號澗松以貢任四川萬縣學訓導工文善

蘄州志

卷之十三

篤學

一

書一介不以取人丐歸後始有子息年八十卒貧無
以葬門人李參將緒捐貲贖葬如禮蘄士大夫爲詩
歌以紀其事蓋以見先生之取友得人如此

化雨字時雨歲貢生性沈靜不好嬉弄家貧依外氏居
授江西玉山縣訓導遷深州學正卒之日口占詩以
遺諸子有豪雄無勢利富貴有危機之句

陳光遠涉獵經史以詩文自娛雖執役戍伍亦手不釋
卷以老疾還鄉士多樂從之遊有轅門歸隱集

國朝

方舟字人濟由恩貢授浙江嘉善知縣以豈弟稱致政歸益勤於學年八十餘猶工楷書盧澹巖修州志舟有跋

張泮字叔度號魯公中順治庚子副榜丰采踔厲負志不羈讀書師其家學與姪士淑互相切劘老而彌篤與修盧志訂訛補遺多所就裁後選靖州天柱縣訓導以老疾辭

李本周字紘岐嶺長子英敏過人七歲補諸生年廿中順治丙戌舉人益篤於學爲文整飭宏雅未仕卒

蘄州志

卷之十三

篤學

二

金天斗字映北歲貢生少負雋才試輒高等館大治相國家相國故尊賢天斗名益著

蕭銓字公衡號樗叟少貧嗜讀書學識淵博以明經教授生徒著有古學彙編四卷兼精岐黃術著易簡方書十卷年八十二卒

王世鼎字和臣兄世泰字安臣窮經講學一時推重俱以明經老門徒多所成就著講義文稿存於家

袁孔士字方魯號泰菴歲貢生光祿寺丞光祿之姪素履端潔早擅文名兵憲楊公志遠建七葉寮社孔士

名最著兄孔儀孔侗俱諸生暇則論文於竹隱園從遊者多所成就

龔柏字百子號餘菴歲貢生篤志好學至老不倦品行爲士林所推重著有半畝詩集

易時憲字若凡號東江康熙乙酉舉人少負異才嗜讀輒廢寢食凡經史子集靡不窮極奧義學者景從多所成就未仕卒著有東江文集四書叅義周易講義諸書

張聯芳字馨遠號播菴歲貢生耄期好學不倦著有居

蘄州志

卷之十三

篤學

三

易堂詩文集

張聯翼字界軫號荆野拔貢生一時知名士多從之遊年九十餘猶朝夕呻吟不輟著有歷試草藏於家

劉文起字學山號雲莊匡生孫康熙己卯舉人授湖南靖州學正丁酉爲廣西同考試官得卷甚佳而股法倒置文起疑謄錄錯誤薦不售復力爭之及售對勘果誤皆服其識起爲文卓然成家年六十三卒於任子仔佺皆諸生价丁酉舉人

秦京字永畿號愚圃雍正癸卯拔貢生家貧無子皓首

窮經年八十猶累赴省闈當事咸禮敬之雨湖七子
京居長詩見合刻

張畸字子駿號另齋年十三補諸生詩情酒趣傾倒一
時晚益刻意於學著落葉吟等集

張榎字孟楠號鴻洲康熙庚午舉人授歸州學正辭不
就嗜古工詩居鄰雲母山多古松築萬濤園朝夕觴
詠其中足跡不履城市著有萬濤園詩集

陳誥字嗣康號澹菴氣度雍容言動不苟爲文宏博浩
瀚中康熙庚午舉人選郴州學正未赴任卒

蕪州志

卷之十三

篤學

四

顧燕翼字貽孫咸泰孫幼聰慧父介指授文體年十二
爲諸生後以明經老爲人忠直醇謹鄉里稱長者

陳道兼字度行歲貢生好讀書與姪鼎元相師友工制
舉業著有河干等集

陳鼎元字節九號澗溪州諸生工詩古文詞築園於河
干修篁古木亭臺樓舫遠絕塵俗顏曰半畝藏書甚
富知名士往來攷正無虛日十躋省闈不售卒年六
十著有半畝園集

駱思白字緇守歲貢生選訓導未任生平手不釋卷爲

文博大兼善吟咏五律尤佳

朱孔陽歲貢生工制舉業試輒冠軍學使者多刊布其文以爲式性尤嚴謹雖賓朋讌集未嘗輕笑謔子正述乾隆癸酉拔貢

李生棠字蘭榘歲貢生性沉默立志讀書兄生彬弟生楷相師友家政浩繁悉聽命於兄棠惟手一卷以終老

張啟疆字仕開號弼五幼失怙恃伯父正鼎愛若已子伯父歿從兄啟翼授以書初苦魯鈍讀書必百倍或

蘄州志

卷之十三

篤學

五

至嘔血已而豁悟輒不忘中康熙乙酉舉人

劉文超字大章號默齋文起弟歲貢生性沈靜簡質有古君子風極嗜學制義力追先正羽翼經傳授徒三十餘年多知名士撫教兩孤姪德佶俱爲諸生後超無子以佶嗣

陳有夏字淑伍歲貢生博極羣書尤精易數著有筮法秘傳二十卷掌白雲書院以經師稱

王仔古字丕承癸酉恩貢生初授經往復問難輒窘其師長益嗜學每夜讀書必數問父母寢人稱其孝

姜堦字晦初歲貢生家貧力學行文有奇氣友教數十年環堵蕭然晏如也州牧蔣聘爲書院山長

朱忻字霽容雍正癸卯舉人潛心經傳爲文自出新意胡宗憲字令巖號樂齋天資穎雋早歲補諸生年二十餘以麟經中康熙乙酉舉人候選縣令適丁艱服終奉檄詣都會疾歸里博綜羣書尤精左史公穀與弟宗寅共研極遠近文士多從之遊

蕭溶字翰凝號素齋性謙謹潛心古學里人終年不獲見其面州牧蔣公慕其爲人延爲西賓溶在署久自

蘄州志

卷之十三

篤學

六

授讀外無一語及他事選訓導未仕卒著有尋樂軒試草

熊楚純字師道號涉園州諸生勤學能文兼好施與嘗收埋白骨無以葬者鄉里咸推重之州牧蔣公以望隆間開表其廬著有巒揖軒詩草

高岱字東瞻少負雋才文詞清麗雍正癸卯舉人

熊楚輝字仍存歲貢生少與姜堦葉舒鵠李生槃生楷讀書漾菴爲詩文課同受知於學使者潘宗洛楚輝授徒里塾晚猶不倦

黃載嶠字晉軍號丹巖州諸生與兄載華讀書棲鳳堂
居雨湖七子之二詩文名著江漢間著有雙筆齋詩
文集及北遊草行世

龔啟堂字豐寰康熙甲午舉人任荆門州學正捐清俸
倡修學宮每月刻期集諸生講學課藝不倦告歸以
詩酒自娛比鄰罕見其面甲戌舉鄉飲正賓

范正字偉儒號退菴歲貢生童時多疾苦讀書至嘔血
不輟性純謹重廉隅恥干非分尤敦本行捐貲建闔
族公祠立友善義社與同里會文經其指授者多知

蘄州志

卷之十三

篤學

七

名士著有孝思錄午夢堂詩草

駱呈符字翰如性嗜學淹貫經史兼通諸子百家著有
天文樂律並詩文集待刊 以上錢志

易泗號恕亭州諸生北遊於京入姓氏館受知於二十
一王王愛其書法親書存存堂額贈之一時名公鉅
卿皆樂與之詩酒唱和隨

駕北巡著有塞上吟詩草行世考授經歷三署知縣以老致
仕子孫尙留京師

方相號禮齋積學未遇以諸生終生平窓課隨手散遺

晚年攜摭其僅存者自訂爲孕秀軒集梓行

黃式澤號惠峰廩生幼穎悟善書法爲文刻露雋永科歲試輒冠軍一時名流咸器重之楚材觀止麟山課藝多刊布其文有四書制藝行世

李培滋號蒔圃歲貢生爲文古奧尤工書法年八十餘猶手不釋卷日以吟咏自適著有挹麟堂續集待梓課子姪輩無間寒暑胞姪承謨鄴書昱皆諸生曷嘉慶辛酉舉人子承洛戊辰舉人

吳林宇雨亭嘉慶戊午舉人性沈靜爲學務求根柢

蘄州志

卷之十三

篤學

八

每講經義聽者忘疲後授京山訓導培植學校整飭士習邑中人咸以經師人師頌之

范卿組號若亭累世讀書與其弟卿綱入太學卿繹食廩餼以文字相切劘皆充然自得子若孫遊泮入貢者數人四世明經族里以一經傳德爲頌

顧啟賢號樵雲天姿卓越讀書具有神悟詩文才力肖其先正年三十餘絕跡名場後以明經補授保康學博康邑風氣鄙陋賢至人服其教漸事詩書未終任遽以疾歸

李同倫號樂軒諸生少事萬南泉葉函齋程拳時諸名宿能文章工書法性耿介石首縣令張世維聘主崇正書院講席荆襄間多遺墨焉著有長林草鹿門紀事雨湖唱和諸作其子歲貢生瑞玉編入培梓山房存稿分爲上下六卷

劉之紳字玉衡號白水歲貢生與兄庠生之縉同受業於李金臺太史紳尤爲所器重每科歲試皆高等成就及門甚夥虞部陳詩舉人胡鴻薰孟嗣宗俱出其門著有學庸辨難白水制藝待刊

蘄州志

卷之十三

篤學

九

張夢塘字西胙乾隆己亥舉人七上禮闈不售授徒於策降浠水間晚年以例補學正司鐸歸州癸酉選期學憲鮑按臨宜郡州人士無一赴選者乃召生徒捐俸作卷費州學向鴻翥遂得選拔年逾七十將告歸以疾卒於官著有西牕詩草慎思堂文集秭歸提命錄待刊

劉營詩號愚溪弱冠入郡庠食廩餼爲文如龍蛇夭矯不羣戊午鄉闈主司賞其文推爲熊劉再世卒以經藝一字訛抑置副車第一

陳豐露號秋沆家貧力學凡詩古文辭下筆立就中乾隆
丙午經魁六上春官不第嘉慶乙未會試卒於京著
有望江草堂詩文集待刊

方蔚字澤章少穎悟讀書過目成誦年十五登賢書主
司慶得人七上公車不第後因祖母暨母春秋高不
願仕進每旦夕閉戶吟哦不輟著有蔭園詩文集四
卷課兒條規十二則年五十一卒

蕭光序號晴嵐歲貢生性放逸工詩文善書法通經史
始設帳里塾繼應泔水諸世家聘旋主荆門講席一

蕪州志

卷之十三

篤學

十

時名宿多出其門著有四書說約藏於家

蕭光縉號瑞石幼慧能文年十三小試輒列前茅二十
七登乾隆己酉鄉榜丙辰會試售而復抑其才器學
識引重一時年未四十而卒

張學韶號月岩性聰穎工詩文弱冠補弟子員尋食餼
州人爭師事之乾隆己酉舉於鄉著有四書啟悟十
卷 字典叅議三十卷待刊

范位盤字友湄性敏積學購書甚富悉加丹鉛用心縝
密遇橫逆仍手不釋卷夷然也童試冠軍食餼登賢

書任均州學正十三年與邑人士循循以文字相切
劄嘉慶甲戌學憲朱題贈教洽滄浪額

李華郁號棣園少篤學爲陳愚谷高弟嘉慶戊午亞元
上公車不第遂留京師漢陽葉雲素聘爲西賓葉名
琛是其高弟也逾年卒於京邸

陳有執號念蓼嘉慶辛酉副榜性穎異讀書輒有會心
爲文不落常徑講學里塾出其門下者多知名士有
念蓼文稿藏於家子紹瑞道光壬午舉人

張開玉號兼四諸生家貧嗜學寒則擁氈而讀無燈則

蘄州志

卷之十三

篤學

十一

燃香照字且云吾讀書一字一句必求其所以然不
得弗措也讀儀禮祭聘諸書則布爲堂階上下方位
而自爲揖讓升降於其間其苦心類如此爲文清剛
雋上乾隆戊申鄉試擬元以謄訛見抑後復屢薦不
售抑鬱以終

張學濂號雲菴州諸生屢試棘闈弗售遂不求仕進以
書史自娛子姪輩勸赴癸酉鄉試得中副車著有雲
菴近藝擷芳園詩話待刊孫世業廩生

張學址號惺菴廩生少偕同里張兆講肄業江漢書院

課輒冠軍掌院呼爲靳春二張乙亥分修靳州志著有和鳴堂詩集行世

張光鼎號洛川歲貢生少負異才能文章下筆千餘言無敢撓其鋒者僅以明經 恩賜副榜士林惜之

陳豐翥字鶴皋歲貢生父幹名諸生著有四書說原授徒里中成就多人翥能世其學

陳瑗號半菴歲貢生幼嗜學族兄愚谷見其文深器重之使從遊博綜羣書尤潛心性理生平品節端方敦孝友里人敬憚之課業務嚴遊其門者率多名宿子

靳州志

卷之

篤學

十二

廷揚成進士宰西蜀翁愈循循禮法慎行謹言年八十卒著有尊聞錄念念山房詩草制藝漫存待刊

陳田治號半畝州諸生五歲失怙兄弟相友愛好讀書手不釋卷延師督課所費不貲產破家落泊如也族孫祐祺貧廢書倡議助金遂成其名其教人云知孔子四未能畢生無可寬之日學孟子三自反天下無難處之人子三本升 恩賜副榜孔皆廩生甲三丁

酉經魁孫峻峰廩生

陳其善字汝揚性敏能文章尤好善里中有鬻妻償負

者予之金令勿鬻又有昆季爭產欲前赴訴者卒望
廬而返年六十嘗自吟云青燈善解窮經志皓首空
存報國心以諸生終

張聯璧號次徵自幼與其叔父諸生瑞琪受業於其父
廩生道南天姿超邁博極羣書詩賦文章獨冠一時
入泮後肄業江漢書院文名益噪刊布課藝傳誦士
林中道光庚子舉人著有十三經經解韻學要訣虎山
文集待刊

童啟倫號叙堂優貢生敏慧卓越攻苦窮年詩賦稱賞

蘄州志

卷之十三

篤學

十三

一時有養雲山館制藝待梓年二十九卒同里陳工
部主事詩表其墓

陳紹瑞號菊人剛方正直不阿流俗慕海剛峰之爲人
取字宗海讀書目數行下成童入泮學憲鮑深器重
之中道光壬午舉人著有課徒草倣古體箴小峰詩集
藏於家

張如照字兩作號月軒州諸生年十三能讀十三經朱
子綱目善爲文敦孝友屢薦不售著有古文一集行
世

吳煥鈞號已山乾隆戊申舉人爲文卓犖不羈詩亦豪
放落筆千言立就與同里胡蘭亭駱商亭齊名出其
門者皆一時杰士著有已山詩文集

詹如松號鶴亭嘉慶甲子舉人授漢川訓導讀書務窮
經史文筆迥邁一時待門生如子姪不計束修之有
無卒於任漢川士子多德之

駱千翥號薛軒童時隨父沛霖居武昌官舍行若成人
父卒翥年方十二隨母扶櫬歸里聽母張孺人訓不
墮先業受業於胡蘭亭吳已山兩先生之門與叔庠

蘄州志

卷之十三

篤學

十四

生沛然星炳日相切劘恒以大器期之柰十試棘闈
不遇卒以諸生終游其門者多所成就其孫利鋒卽
敏修成進士著有原宗論及商亭年譜等書

吳金度號鑑堂歲貢生性最鈍苦心孤詣寒暑晝夜無
少輟卒以魯得之胡蘭亭陳愚谷重其文行俱遣子
姪受學教人工課最嚴制藝一以先輩大家爲程式
故一時深純之士多出其門著有鄉黨輯要

張恢鸞號聽泉嗜書成癖有奇書必竭貲購之故其家
藏書頗富延師家塾課讀諸子每供饌務極豐腆十

餘年不倦雖援例貢成均至老猶手不釋卷子瀚增
廣生

陳本中號爲山道光壬辰舉人性耿介不諧於俗讀書
慈雲閣近三十年苦心孤詣務求根抵垂老設帳鄉
里成就後學登科入泮二十餘人著有易經纂象待
梓子之原連振俱諸生

蕭蘭號藝甫州增生積學能文不與外事州主范六瓊
李蓮峰極推重之屢赴棘闈售而復抑者再善誘後
進出其門者半登賢書入膠庠子子書鎮圭皆諸生

蘄州志

卷之十三

篤學

十五

子書尤沈靜能文工詩士林咸推重焉

以上潘志

蔡理元號一齋乾隆甲寅舉人爲學沉酣性理不屑時
趨門下士多所成就晚年司鐸鍾祥卒於任子道中
後其父中嘉慶庚申舉人任荊州教授亦卒於任
陳繼曾號鳳樓嘉慶庚午舉人少從孝廉胡薰遊刻自
琢磨能勃宰理窟講學數十年一如其前輩裁成者
甚眾性方嚴人敬憚之

吳祖信號敬亭歲貢生性嗜學讐校古書如不及制藝
力追先正乾隆己酉闈中擬元因主司意見各持卒

洛孫山外教授閭里多所成就年八十猶講學不倦
子得旭諸生 恩賜副榜

陳信煜號仙山道光壬辰舉人學問淵博品行端方訓
戒子弟敦本務實力屏浮夸教人以窮理盡性爲主
執經者恒濟濟焉子攀桂廩生孫爲楷應庚士乎俱
諸生

胡有贄歲貢生性梗介不干外務幼嗜學屬文一宗先
正晚年猶手不釋卷授徒鄉里多所成就至今猶稱
道之

蘄州志

卷之十三

篤學

十六

韓炳忠歲貢生刻苦下帷無間寒暑有得輒筆記之講
學鄉閭門下承指授者多掇科第著有唐詩集解
董逢科 恩賜副榜性沉靜潛心經史年及耄猶孜孜
不倦每誦讀時客偶至寒溫數語仍對卷吟哦凡從
游成就良多

熊子權號平莊廩生穎悟過人小試五次冠軍生平著
述多闡前人未發之蘊著有臥雲鈔文集

張邦勳號書亭廩生後以目盲更號耐人教人有方口
講指畫多所發揮閱生徒文能批卻導窾故成就爲

多舉人黃兆魁出其門下至耄猶勤學凡詩古文辭
率能發抒其胸臆

王椿號華顛諸生居恒踐履敦篤酷嗜性理近思錄
宋五子書與陳愚谷虞部同受知於胡衣菴學使善
詩文工書法窮年兀兀著有周易輯要十二卷儀禮
經傳通解正續十六卷典制窮源六卷四書尋繹八
卷

詹元翰原名翰號西林道光壬辰舉人幼嗜學凡經史
子集無不窮極蘊奧爲文思力深厚每一藝出輒傾

蕪州志

卷之十三

篤學

十七

動時流十上春官屢薦不第以大挑二等選宜都教
諭未抵任卒子毓琛諸生

陳玉晃號瑁生性豪邁勤於學淹通經史時文多精悍
之作道光庚子舉於鄉三上公車不第家居教授經
其指示者爲文皆有法度可觀晚年設帳竹谿竹山
諸縣從遊者眾至今彼都人士猶樂稱之

陳炳堃號菊裳諸生性敏好學初與堂弟準讀書三泉
菴寒暑無間夜輒達旦後隨父受琦之教授任披覽
羣書丹黃恒不釋手年四十餘卒

陳致中字靜軒諸生性嗜書卷軸盈屋延師課子極盡誠敬生平手不釋卷至老猶不倦云

張啟元字騰若性明敏篤於學有爲星家言者謂終身不能博一衿元笑謝之築傲命堂讀書其中深自刻勵卒爲諸生旋食餼

蔡鴻號天衢郡增生性好學經籍未嘗釋手試輒高等端師範指授者多獲售蔡氏自其姪景星外如名諸生樹森紹清皆出其門下年八十餘卒

袁鍾瑜號玉峰父培橋家世忠厚尤崇儒術瑜幼嗜學

蘄州志

卷之十三

篤學

十六

英年入泮食餼旋授明經性孝友兄鍾琳多逋負瑜鬻產償之四十後遂絕意進取敷門不出專務訓子以經史自娛子秀升咸豐戊午科舉人黃陂教諭孫森諸生炳廩生

詹如鏡號我心郡廩生性嗜學腹笥淵博家居授徒有經師之目敦手足誼嘗以館金助諸季里黨賢之子兆九諸生

胡南薰號全吾廩生恩賜副榜少從孝廉陳良珏遊師旣老負之出入者三年師欲其成命赴興國進士

陳治策家究心經解之學道光中學使朱面試水道
謂功非三十年不能後胡宮保駐兵於蘄索其書助
百金命繕就刊宮保旋去弗果集曰尙書題要並著
有禹貢山川圖考二卷

陳信濂號蓮馨增生品端學邃刻志下帷爲文根底經
籍尤善誘掖後進胞姪耀辰焜烈相繼登賢書皆賴
其啟迪諸經指授者獲益良多困諸生中四十餘年
時論惜之

張意元字前榜家貧嗜學性鈍甚誦讀無間晨夕卒得

蘄州志

卷之十三

篤學

十九

淹通成諸生

陳步瀛號小舟諸生博極羣書每談經史輒終日不倦
遊其門者多所成就年七十六卒著有日新堂文集
待刊子敬修廩生壽楠諸生

汪忠銓諸生性好學生平不與外事惟以課徒爲業家
貧饔飧時不繼宴如也著有周易輯要四卷子明廩
膳生

駱之錯號金門少聰穎讀書日數行下年甫弱冠補弟
子員後從陳愚谷遊學益進所爲制藝有古大家風

前修州志身董其棗州人咸推重之著有西園集十卷鼎甲錄鄉舉考畧等書藏於家

柴紹溪字博之以詩古冠軍入州庠讀書攻苦自應試外足跡未嘗入城市授生徒成就者眾病革時猶手一卷呻吟焉

余凌雲字化鼇增生天姿卓絕才識過人晚年目失明猶以經史置案頭使人讀之潛心靜聽孜孜弗倦著有式穀文集

余作新號午留廩生品端學邃誨人有法一宗先正典

蘄州志

卷之十三

篤學

二十

型屢薦不售性友愛與諸弟析箸田產取其薄者後弟貧困復分館金濟之教讀數十年家無餘財晏如也子之傑增生

朱鵠號雲門幼嗜學至老不倦爲文尙根柢善誘後進里中達者多出其門屢薦不售以諸生終著有空山獨笑詩草藏於家

范世鰲號方壺弟霖號雪樵俱歲貢生性沈靜學淵博以古誼相敦尙爲文力追先正門下成就爲多咸豐辛亥霖年八十有七 恩賜舉入

汪林號杏村郡庠生性沈靜好學不預外事家貧力難得書輒借鄰本鈔之必端楷未嘗作一草字其舉動不苟悉類是

張振翮號羽生諸生博雅能文工書法家貧授徒盡心訓迪從遊者多所成就其敦品勵行尤不媿人師之目年五十餘卒

高翔藻號石麟優廩生其父雅好學課藻讀最嚴藻亦善體父志與昆季翔炳翔煥下帷攻苦雖令節不少休炳煥先後皆成諸生

蘄州志

卷之十三

篤學

二一

陳孔皆號福山歲貢生候銓訓導淹通經史尤邃於易問奇履滿說經鏗鏗門下多知名士所著有四書類纂藏於家子峻峰郡廩生

黃兆崙號辨心優增生好學深思老而彌篤家富圖書咸豐丁巳燬於兵爲之涕泣者累日其嗜古如此方應珪號雪門少承其父孝廉蔚學性聰穎日誦萬言爲人坦直不事家人生產嗜酒成癖家貧苦泊如也道光辛酉拔貢年八十卒

王馭麟號蜚卿郡廩生性穎悟少年冠童子軍太守成

甚器重之及壯受業於虞部陳詩門下每呈課藝許以必售髮逆之變驚悸成疾卒時論惜之

許燮號和卿廩生性穎異涉獵羣書丹黃鉛槧皆手自校讐罔弗精審授徒鄉里循循善誘惜屢薦不售晚年博稽人物著有歷代名賢姓氏譜待梓

張占蘭字廷章優廩生好博覽不守章句善屬文督學鮑覺生嘗拔其文以冠多士屢薦棘闈不售退老會龍庵講學不輟從遊者多被玉成云

張宇欽號敬亭歲貢生爲文一宗先正典型平居課徒

蘄州志

卷之十三

篤學

三二

先器識而後文藝獲售之士指不勝僂時論躋之

張攀桂號月齋歲貢生讀書日數行下務求切實老而彌篤雖潦倒名場操守不易所爲詩古文詞至今猶膾炙人口焉

郝泰廩生束髮受書穎悟過人及長涉獵經史

時稱博洽尤究心河洛性理之學著有四書纂要曝腹山房文藁藏於家

陳寶書號春谷少從半菴遊究心經學邑侯林州試賞其文有經籍光拔作冠軍晚年手鈔五經呶唔不輟

卒年八十九子瑞林同治壬戌舉人

黃美琮號聘三歲貢生品學兼優嘗題密室門楣曰須
反勘蓋能以近裏著已自勵者生平飲人以和教多
成就晚徙居別墅種樹課農怡然自得年八十一卒
弟美玠號我山增生有幹濟以軍功保教職亂後土
木遞興自文武廟及城隍廟訖諸祠祀俱玠董其事
以廉直稱

胡佳蔚號炳如恩貢生少孤銳志好學博貫五經老而
彌篤光緒乙亥年八十五重游泮水子熟梅諸生孫

蕪州志

卷之十三

篤學

二三

兆芙兆蕖兆蓉亦相繼入泮人以為好學之報云
汪淩雲號漢渚增生性沈靜好讀書家無儋石之儲而
披吟不輟教授生徒成就者眾孝廉胡履祥廩生詹
賓岳俱出其門下年六十三卒

楊瑞林字桂圃歲貢生性端謹絕口不談時事與人交
去嵯岬有過則規自立課程老猶刻勵後生質疑以
經證經蓋心得尤獨至云

朱今元更名炳元號鼎臣性簡靜究心經史每會意輒
忘寢食道光丙午舉於鄉四入禮闈不第與諸弟切

劇一室著有鄉黨約義茹古齋文集藏於家咸同間
值寇亂勦理團防保鹽大使銜年五十二卒子尊程
諸生

陳焜烈號鐵珊貢生學詩之子道光己酉舉人幼聰穎
十歲能文弱冠工制藝試輒首取領鄉薦後肆力於
古文究心經史博覽羣書務爲根底之學偶有作弼
中彪外年三十二佗僚以終士論惜之道光三十年
水災捐穀三百石以賑饑者其好義又如此

陳燮鋒號丹爐性魯篤於學雖嚴寒酷暑不輟夜讀輒
漏盡始就枕家故貧常分其館穀贍昆季及族戚之
貧乏者同治甲子舉於鄉乙丑卒於京邸著有晚香
齋詩集

詹賓岳號香亭優廩生家清貧刻志攻苦篝燈徹曉讀
歷久不倦爲文英鷲精采力厚思沈尤篤於內行事
父執桓繼母蔡先意承志弟文景賴其啟迪列郡庠
旋病瘵卒撫孤姪愛逾所生教人先品行而後文藝
從遊者誦習師法多令器卒爲時數所阨屢薦未售
州人惜焉子元修廩生

陳位殷號哲生由增貢授中書科中書銜少負雋才文詞清麗屢試棘闈不得志屏棄家務潛心制舉業手鈔盈篋丹黃爛然教子一經澹如也年六十一卒子淑祥光緒乙亥恩科舉人子蓉同治癸酉科舉人炳焜職銜

李瑞玉號白田歲貢生潛心經史爲詩古文詞俱有根底設帳鄉里成就後學良多年八十餘猶口不絕吟著有培梓山房詩稿

張子麟諸生工吟咏富經史弱冠有聲爲文洋洋洒洒

蘄州志

卷之十三

篤學

二五

援筆立就時友人索制藝手脫七稿付之著有梅花百韻及文鈔若干卷

孫輿號利載諸生性靜嗜學少從工部陳詩遊卽見器重晚年獨居磐石寺枕葑經史時稱名宿

張鳳翎字丹山廩生幼聰穎好讀書嘗與兄宗尙宗嘉宗麒結文社於威鳳書屋朝夕講貫博古窮今才學皆卓卓可紀著有種梅書屋詩抄

胡履祥號仲祺父步雲操岐黃業爲生計遇貧者弗受謝也祥純篤好學爲文有根柢同治壬戌領鄉薦是

春闈客京邸三年學益進尋卒於家年三十餘士林惜之

吳楚珩號北泉增生家貧力學幼讀時已不煩父師督責而功力自倍至老猶兀坐靜室弗輟披吟子朗甲子副榜現任通山教諭

田達材號西坡歲貢生十歲卽工詩文家貧嘗燃薪照讀博洽經史晚年鄉居教授門下登科第者多人著有韻府二十卷西疇詩文一卷南堂詩文一卷子光杰諸生

蘄州志

卷之十三

篤學

二六

陳攀桂號靄人廩生好讀書爲文力追先正生子五家雖貧不廢學長子爲楷次應庚次士孚皆成諸生

孫時鸞號月卿增生天資明敏積學能文尤長於詩古待姪輩最厚貧者時分給之著有綠滿窗詩集二卷洪兆炳號壽門幼失怙事母先意承志以孝聞通經史及百家言兼善考據之學弱冠爲高材生州刺史見其文亟稱之同治癸酉中副車卒年甫四十

張作霖號沛三郡諸生性聰穎好讀書嘗館於翹秀軒從遊者濟濟口講指畫無間寒暑臥病時猶手不釋

卷每有所作口授子弟錄之得百餘篇曰翹秀軒文集並著鄉黨摘要禹貢析疑二編

黃奉蓮兆魁季子號玉溪廩膳生少穎悟於諸子百家之言靡不涉獵久困棘闈鬱鬱不得志益咏歌弗輟自哀聚所作成帖號千葉居士草年三十八卒士林惜之

蔡元燮諸生幼聰穎日誦千言及長益鑽研經史務爲根柢之學士林咸推重焉

劉營昶號琴舫增生潛心經史入泮後試輒優等因秋

蘄州志

卷之十三

篤學

二七

闡屢薦屢躋遂絕意進取遠近文士多樂從之遊子儁諸生

張凌漢號倬雲性沈靜博通經史每爲文援筆立就尤長於詩古年六十以諸生終著有類聯中雋四卷

蔡樹森號莘農性遲鈍酷嗜學攻苦不懈年五十餘金雲門太守拔冠童子軍有聲庠序子兆椿兆湘俱諸生

何修號鳳樓諸生家貧嗜學經史淵博尤酷愛漢魏六朝古文故制藝恒越時徑士論推之

岳凌漢號仙槎歲貢生性好學博洽羣書家居授徒成就甚衆孝廉張瑞霖其最著也孫烜廩生

陳鳳翀號三峰優廩生中道光丁酉副榜性穎悟幼嗜學甫弱冠文譽已噪一時晚年教授浹川成就多名下士著有鄉黨義疏時文抉針若干卷藏于家

李永年號如山歲貢生爲文雄健七磨房薦不售乾隆乙亥修州志錢收徵爲分修疑義多所考正至耄年猶手不釋卷日以經史自娛戊午恩賜舉人

胡奎諸生家頗饒出納會計委諸昆季奎惟以讀書

蘄州志

卷之十三

篤學

二八

爲務六經子史窮究根柢屢薦未售士林惜之子棠入邑庠

蔡景星號半如沈靜嗜學弱冠入庠食餼中道光甲辰恩科舉人主講麟山書院一時賢士皆宗之前修潘志與孝廉黃藹人何雪園同秉筆焉教諭宣恩後文先行一振士風彞以卓異陞宜昌府教授加同知銜學憲高按臨郡試所拔多門下士因以宿儒稱之歷官二十七年以老歸書笥外別無長物晏如也著有擢秀園集十八卷韻學舉略二卷行世

